



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Constitutiones Variorum Pontificum in præcedentibus Editionibus  
desideratas, summoque studio hinc inde conquisitas complectens

**Luxemburgi, 1741**

10. Ad omnium &c. Bulla, quæ repetitis Templariorum criminibus eosdem,  
& omnes ipsis faventes excommunicationis fulmine ferit: anno 1318.
- 

[urn:nbn:de:hbz:466:1-74452](https://nbn-resolving.de/urn:nbn:de:hbz:466:1-74452)

A N N O  
1307.

parte temporis vitæ suæ , nutritus extitit, vimus, & tandem cœpimus super iis contra eos inquirere per nos ipsos nonnullis & fratribus nostris ascitis ad inquisitionem prædictam nobiscum sollicite peragendam, & tandem præsentatis nobis personis eisdem non parvo, sed grandi numero, non levis, sed magnæ auctoritatis viris, olim in ordine supra dicto Sacerdotibus, præceptoribus, militibus & servientibus, per eorum confessiones & depositiones spontaneas liberè factas coram nobis & fratribus nostris in secreto, prius & postmodum coram nobis totoque collegio fratrum nostrorum sanctæ Ecclesie Romanae Cardinalium, patuit manifestè quoad personas istas crimina & sceleræ esse vera, iidemque confitentes omnes & singuli suum humiliter recognoscentes errorem, nostram, & Apostolicæ fedi non justitiam, sed misericordiam & veniam implorant, quibus cum omni humilitate & reverentia & proprii eorum recognitione erroris omnino persistentibus pro absolutione ab excommunicationis sententia quam ex hujusmodi heresies reatibus, & sceleribus incurerant ipsis misericorditer impendenda nos, qui, licet indigni vicarii sumus illius, cuius miserationes super omnia opera ejus existunt, & quia Romana mater Ecclesia non claudit, prout nec claudere debet gremium redeundi, facta à prædictis conscientibus cum humilitate & reverentia abjuratione hujusmodi heresios secundum canonicas sanctiones, eis juxta formam Ecclesie fecimus munus absolutionis impendi, potestate injungendi eis propterea salutarem penitentiam nobis & dictæ fedi seu quibus id committendum duxerimus specialiter reservata. Post quæ cum magistro & Præceptoribus precipuis præfatis ordinis intendentes super præmissis inquirere per nos ipsos, ipsum magistrum & Francie, terræ ultramarinæ Normanniae Aquitaniæ, ac Præceptores majores nobis Pictavis existentibus mandavimus præsentari. Sed quoniam quidam ex ipsis sic infirmabantur tunc temporis, quod equitate non poterant, nec ad nostram præsentiam quoquomodo adduci, nos cum eis de præmissis & nonnullis confessionibus, & depositionibus dictorum fratrum, factis coram Inquisitoribus hereticæ pravitatis Regni Francie, certificari volentes, dilectis filiis nostris Beringario tituli sanctorum Nerci, & Achillei & Stephano tituli sancti Cyriaci in Thermis Presbyteris ac Landulfo S. Angeli Diacono Cardinalibus: de quorum prudentia, experientia & fidilitate indubitatam fiduciam obtinemus, commisimus & mandavimus, ut ipsi cum præfatis Magistro & Præceptoribus inquirent tam contra ipsos & alias singulares personas dicti ordinis generaliter, quam etiam contra ipsum ordinem super præmissis diligentius veritatem, & quod super iis invenirent, nobis referre, ipsorumque confessiones & depositiones sub manu publica deferre ac presentare curarent, impensuri eidem magistro & præceptoribus juxta formam Ecclesie absolutionis beneficium ab excommunicationis sententia, quam propter præmissa, si vera erant incurerant; si absolutionem humiliter & devote peterent, ut debebant. Dictis autem Cardinalibus ad castrum de Raynone Turenensis diœcesis, in quo tunc erant dicti Magister & Præceptores personaliter accedenteribus, idem Magister & Præceptores majores de mera & plena veritate dicenda ab eis corporaliter præstito juramento, singulariter, libere, ac sponte; absque coactione qualibet & terrore coram ipsis tribus Cardinalibus quatuorque tabellionibus publicis, ac multis aliis probis viris deposuerunt & confessi fuerunt inter

A N N O  
1308.X.  
Ex Cod. Di-  
plom. Leib-  
nitii Tom. I.

Bulla, quæ repetitis Templariorum criminibus eosdem, & omnes ipsis faventes excommunicationis fulmine ferit: anno 1308.

## C L E M E N S E P I S C O P U S .

*Servus Servorum Dei, ad perpetuam rei memoriam.*

A D omnium fere notitiam jam credimus aperiente notanda sceleræ, & criminis abhorrenda, heresim notoriè sapientia, quibus Ordo & persona Templariorum non levibus argumentis, sed manifestis indicis, & violentis præsumptionibus dissimati noscuntur, super abnegatione videlicet Domini nostri Jesu Christi, & super nefanda, temeraria præsumpta, heretica conspiutione super ejusdem imaginem crucifixi, nec non & super pluribus aliis articulis, quos, qui fore credimus manifestas, exprimi non oportet, sive excrebescere infamia & imminentibus scandalis plurimis minime contempnendis, quæ non leviter totam scandalizant Ecclesiam urgente conscientia per totum orbem terrarum jamdudum ipsos capi manda-

cætera

A N N O  
1307.

cætera Christi abnegationem & spūtione su-  
per Crucem cum in Ordine Templi recepti  
fuerunt, & quidam ex eis se sub eadem for-  
ma, scilicet cum abnegatione Christi &  
spūtione super Crucem fratres plurimos re-  
cepisse. Sunt etiam quidam ex eis quedam alia  
horribilia & inhonesta confessi, qua ut eorum  
ad præsens parcamus verecundiae, subticemus.  
Ac deinde in confessionibus ac depositionibus  
factis per ipsos antea coram Inquisitore pra-  
vitatibus prædictæ ac ipsis & eorum culibet  
Lectis & expositis de mandato & in præsen-  
tiæ Cardinalium prædictorum, firmiter perse-  
verantes & approbantes easdem absolutionem  
au excommunicatione prædicta petitam ab eis  
humiliter & devotè sibi obtinuerunt juxta  
præmissam formant per Cardinales ipsos im-  
pendi, hæresi expellere ac publice abjurare.  
De quibus omnibus per fidelem relationem  
distorum Cardinalium nobis facta extitit ple-  
na fides, hujusmodi confessionibus & depo-  
sitionibus eorundem nobis sub manu publica  
præsentatis. Nos igitur volentes super iis,  
prout ad nostram spectat officium, congruum  
remedium adhibere auctoritate Apostolica dis-  
trictius inhibemus ne aliquis de cetero eisdem  
Templariis vel eorum alicui scienter, publicè  
vel occulte præster auxilium, consilium, vel  
favorem, seu alias ipsos vel aliquem ipsorum  
receptare seu retinere aut eis favere præ-  
sumat, sed eos tanquam suspectos de hæresi  
omnino deviter. Mandantes nihilominus ea-  
dem auctoritate omnibus & singulis Ecclesiasticis  
& secularibus personis, nec non Princi-  
pibus, Comitibus, Baronibus, Nobilibus,  
Militibus, & plebeis, & Communitatibus,  
Civitatum, Castrorum, Villarum, & alio-  
rum locorum, quatinus dictos Templarios  
capiant, & eos locorum Ordinariis, singulis  
eorum videlicet in suis civitate & dieceesi, sine  
difficultate qualibet assignare ac tradere non  
postponant, si & quandocunque ab eisdem su-  
per hoc fuerint requisiiti, vel ad ipsorum Or-  
dinariorum requisitionem eosdem Templarios  
sub fida & tuta custodia teneant, repræsen-  
tandos eisdem Ordinariis vel Inquisitoribus  
deputatis seu deputandis a nobis, & ipsis  
tradendos ad eorum requisitionem, seu Inqui-  
sitionibus hujusmodi faciendis, & alias quo-  
tient & quandocunque eis videbitur faciendis.  
Nos enim omnes & singulos cuiuscunq[ue]  
præminentia sint, dignitatis, ordinis, condi-  
tionis, aut status, etiam pontificali præful-  
geant dignitate, qui suprà dictis Templariis  
vel eorum alicui scienter, publicè vel  
occulte præstabunt auxilium, consilium, vel  
favorem vel alias ipsos vel aliquos ipsorum re-  
ceptare, vel retinere, aut eis, ut præmit-  
titur favere præsumperint: auctoritate præ-  
sentium excommunicationis sententia innoda-  
mus ac civitates, castra, terras, & loca,  
qua ipsos vel aliquem eorum scienter suscep-  
perint vel tenerint Ecclesiastico supponimus  
interdictio, absolutionem prædictorum præ-  
terquam in mortis articulo ac relaxationem  
ipsius interdicti nobis rostrisque successoribus  
reservantes, non obstantibus quibuslibet pri-  
vilegiis, Indulgentiis & Litteris Apostolici  
quibuscumque & sub quacunque verborum for-  
ma, vel expressione concessis, per quæ effec-  
tus præsentium posset quomodolibet impedi-  
ri. Nulli ergo omnino hominum licet hand-  
paginam nostræ inhibitionis, mandati, excom-  
municationis, interdicti & reservationis infringi-  
gere vel ei ausu temerario contrarie. Si qui  
autem hoc attentare præsumperit, indignatio-

nem Omnipotentis Dei & Beatorum Petri &  
Pauli Apostolorum ejus se noverit incursum.  
Darum Tolosæ III. Kal. Januarij Pontificatus,  
nostrî anno quarto.

A N N O  
1307.

Ad Episcopum Wigorniensem, ut inducat Re-  
gem Angliæ ad Reformandos excessus officia-  
lium suorum: anno 1308.

## C L E M E N S E P I S C O P U S,

*Servus Servorum Dei dilecto filio Valterio  
Wigorniensi, Salutem & Apostolicam Be-  
nedictionem.*

XI.  
Ex Archiv.  
Angl. Rymer  
Tom. III.  
pag. 76.

**Q**uanto inter cæteros mundi Principes, ca-  
rissimum in Christo filium nostrum Edwar-  
dum Regem Angliæ illustrem specialis dilectionis  
affectione diligimus, gerimus in viceribus  
caritatis, & ad ejus honorem pro viribus pro-  
movendum, tam natura & naturalis origo,  
quam nutritura longa, & familiaris arduentius  
nos inducit, tanto amplius dolemus, affligi-  
mur, & turbamur, cum eum audimus aliqua  
facere, per qua inter Romanam Ecclesiam &  
Regem eundem Regnumque suum, materia dis-  
ensionis & scandali, aut scintilla turbationis  
posset quomodolibet subrori, vel que ipsum  
notent, vel notare valeant aliqualiter à Prege-  
nitiorum vestigiis deviare suorum, qui propter  
plenitudinem devotionis & fidei, quam erga  
Deum & Romanam Ecclesiam inviolabilitate  
obtinentes, in bellis fortis & strenui, hono-  
rabiles hominibus, & Deo amabiles, inclitum  
Regnum suum ampliare terris & regionibus  
multiplicare populus, & augere honoribus &  
accumulare divitias à multis retro temporibus  
meruerunt. Perro auditi multiplici, non sine  
cordis amaritudine, jam dudum audivimus,  
Venerabilem Fratrem nostrum Valterum Liche-  
feldensem Episcopum per Officiales Regios,  
manus ad indebita & illicita extendentis cap-  
tum fuisse temere, & non sine offensa Dei,  
& contemptu Ecclesiæ, & disruptione Eccle-  
siastica libertatis, usque adhuc in carcere de-  
tineri, quod non iam ratione personæ, quam  
honore Dei & Ecclesiæ per ipsum jam dudem  
voluisse esse correctum, & adhuc corrigi  
sine ulterioris moræ dispendio, eum in domi-  
no exhortamus, ne ex hujusmodi, quod abicit,  
illicitis non dicamus actibus, sed to-  
lerantiis, irreverentiam & indevationem ad  
Deum, & Ecclesiam sapientibus sui clari no-  
minis præconia dinigrefscaret. Tuam liquidem  
discretionem credimus non lateire, quod licet,  
claræ memorie Eduardus Rex Angliæ ut sibi  
capiendi Venerabiles Fratres nostros, Villiel-  
mum Sancti Andreae & Robertum Glaguensem  
Episcopos prout in Bulla superiori, usque hac  
verba, viz. Quo circa discretioni tuae per  
Apostolica scripta mandamus, quatenus præ-  
fatum nostrum filium prædilectum sollicites  
studiosius, & inducas, quod ipse zelo de-  
 votio[n]is & fervore reverentia, sic ad revoca-  
dos prædictos suorum Officialium errores ve-  
lit exurgere, quod piæter humanae laudis  
præconium, sibi à Deo exinde honoris, &  
ommodi proveniat incrementum, tunc à Deo,  
& nobis exinde valeas commendari. Nos enim  
prout eidem Regi scribimus, de ipsis Episcopis  
sic celeriter, sic plenariè de his, quæ in-  
venientur in suum, vel subditorum suorum  
damnum seu iuriam commissile faciemus  
justitiae complementum, etiam infra limites,

fi